

## Edizioni

- letto 598 volte

## Pattison

I.

Apres mon vers vueilh sempr? ordre  
una chanson leu per bordre  
en aital rima sotil;  
mas ges non ai? us de tordre  
si·m pert ma par ni·m ten vil  
q?ieu vas mon miels no·m apil.

II.

Qar? No sai qant m?ai a viure,  
per qe mon cors al cor liure;  
e sapcha·n guidar dretz fil  
mos volers, e non s?ature  
mas en valen seinhoril;  
q?om no·s iau de son cortil.

III.

Soven pens q?ailhors mi derga,  
e pueis Amors ten sa verga,  
qe·m n?a ferit de grieus pols,  
e·m ditz c?ap mals no·m aerga;  
q?ieu non sui escarniz sols  
q?escarnitz fon ia N?Aiols.

IV.

Cil qi m?a vout trist-alegre  
sap mais qu?i vol sos ditz segre  
qe Salamos ni Marcols  
de fatz ric ab ditz entegre:  
e cai leu d?aut en la pols  
qi·s pliu en aitals bretols.

V.

Qe·m val q?ailhor non puesc creire?  
Q?anc no frais copa de veire  
plus tost q?Amors frainh e rom ?  
mas si·l plaz qe·l mal cor meire

il sap lieu soudar ses plom; ?  
mas ha mi soudat trop som.

VI.

Viatz m?assajer? a volvre  
s?Amors me volges absolvre;  
mas, pres en loc de colom,  
me fai de seschas envolvre,  
qe no·m gic penr? un sol tom,  
e m?apella per mon nom.

VII.

? Mal dic; tainh qe m?en peneda ?  
Non! ? Per qe? ? Mos cors m?o veda. ?  
Amors me tol qe·m ten trist. ?  
Qi·t tol, non cug qe t?o reda. ?  
So·m tol qe plus l?aurai qist ?  
No·t tol so q?anc non agist.

VIII.

Si aic gaug, qe·m tol e·m merma  
qar mos talenz no·m aserma.  
Ben ai fol talan, per Crist,  
qar mos cors miels no s?aferma  
en lai on faz gen conquist  
q?en sai on ai mon dan vist.

IX.

A Dieu prec qe mos precs auja:  
q?el vueilh? e don q?ieu m?en gauja  
lai on son volgutz amics!  
Qar ? ja·l sieus fins cors s?esflauja ?  
totz autres trop noms plus rics,  
e non o dic ges enics.

X.

Cel Dieus qi fes terr? e aiga,  
caut e freig, gent clergu? e laiga:  
afol sels qe desabrics;  
c?ama voluntat veraiga  
e ab cubertz fals presics,  
fan dan als drutz e destrics.

XI.

Domna, franca res veraiga  
eu que·us sui verais amics  
a vos mi ren totz antics.

XII.

Plus qe ja fenis fenics  
non er q?ieu non si? amics.

- letto 514 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/edizioni-242>